



**01/Dezemburu/2017**

**Komunikadu Imprensa**

**Ba informasaun liu tan, kontaktu:  
Rosario Maia, Media Specialist  
Embaixada EUA, Dili, Timor-Leste  
Tel: +670 332 4684, 77908209**

### **Embaixada EUA apoia protesaun Direitu Propriedade Intelektual iha Timor-Leste**

**Dili** – Embaixadora EUA ba Timor-Leste Karen Stanton hato’o diskursu abertura iha Diálogu kona-ba Marka Komersial iha Timor-Leste iha loran 1 Dezemburu iha Timor-Plaza. Organiza husi Asosiasaun Internasional Marka Komersial (Sigla Ingles, INTA) Semináriu loran ida ne’e partisipa husi ofisial husi Ministériu Justisa, Ministeriu Finansa, Ministeriu Agrikultura no PNTL inklui mo’os emprezariu lokal no peritu legal sira. Eventu ne’e parte ida husi esforsu ida atu hametin liu tan protesaun ba marka komersial sira, patente (hak paten), direitu autor no segredu komersial ne’ebé koletivamente hanaran direitu “propriedade intelektual” (Sigla ingles IPR) iha Timor-Leste.

“Se Timor-Leste hatudu nia komitmentu hodi proteje IPR, kompañia estranjeiru sira sei hakarak liu atu investe iha Timor-Leste.” Dehan Embaixadora Stanton. Nia hatutan “Se Timor-Leste sai hanesan lider iha protesaun ba IPR, Timor-Leste sei hetan benefisiu ba nia kresimentu ekonómiku no empregu ho salariu ne’ebé a’as liu. Presiza nota mo’os katak Timor-Leste iha hela dalan atu tama ba ASEAN, nasaun ne’e tengke mo’os implementa política IPR hanesan ho nasaun viziñu ASEAN sira.”

Diálogu Marka Komersial entituladu “Apoiu Konfiansa Konsumidor, Kresimentu Ekonómiku no Inovasaun” ne’e koalía liu konaba peskiza foin lalais ne’e relasiona ho valor industrial husi utilizaun marka ne’ebe registradu no impaktu negativu ba ekonomia husi produktu falsifikadu, lakon iha prosesu negosiu, reseita fiskal no oportunidade empregu. Estados Unidus servisu hamutuk ho governu Timor-Leste, INTA no parseiru sira seluk hodi harii edifisiu marka komersial nian, hadiak regulamentu sira no dezenvolve inisiativa lokal sira atu proteje konsumidor no marka komersial sira.

Informasaun liu tan konaba INTA bele hare iha [www.inta.org](http://www.inta.org). Servisu Patente no Komersiu EUA nian (USPTO) mak lidera governu EUA nia esforsu sira hodi dezenvolve no hametin protesaun propriedade lokal no internasional. Hakarak hatene liu tan konaba USPTO, bele haree iha ne’e: [www.uspto.gov/intellectual-property-ip-policy](http://www.uspto.gov/intellectual-property-ip-policy).

###